

Na osnovu člana 36. i 70. Statuta Općine Stari Grad Sarajevo – Prečišćeni tekst («Službene novine Kantona Sarajevo», broj 31/08) Odluke o izvršavanju Budžeta Općine Stari Grad Sarajevo, za 2010.godinu («Službene novine Kantona Sarajevo», broj 1/10) Načelnik Općine Stari Grad Sarajevo, raspisuje

## **JAVNI POZIV**

Za raspodjelu sredstava za finansiranje projekata iz redovne djelatnosti boračkih udruženja za 2010.godinu

### **I**

Raspisuje se Javni poziv za raspodjelu sredstava za finansiranje projekata iz redovne djelatnosti boračkih udruženja sa ekonomskog koda 614 300, na razdjelu Jedinstveni općinski organ u Budžetu općine za 2010.godinu.

### **II**

Na Javni poziv mogu se prijaviti općinska boračka udruženja registrovana u skladu sa Zakonom o udruženjima i fondacijama («Službene novine FBiH», broj 45/02), a koja imaju sjedište na području Općine Stari Grad Sarajevo.

### **III**

Boračka udruženja iz tačke II Javnog poziva podnose prijavu na Javni poziv Općinskom načelniku putem Službe za boračko-invalidsku zaštitu.

#### **Prijava sadrži:**

- rješenje o registraciji udruženja (ovjerena kopija)
- program rada za budžetsku godinu
- finansijski izvještaj o utrošku budžetskih sredstava za prethodnu godinu
- finansijski plan za narednu godinu sa obuhvatom programskih projekata.

### **IV**

Kriteriji za ocjenu podnesenih prijava su kriteriji navedeni u Odluci o jedinstvenim kriterijima za raspodjelu sredstava obezbjeđenih u budžetu Općine Stari Grad Sarajevo za finansiranje boračkih udruženja od 25.02.2010.godine

#### **Opći kriteriji:**

- Registriranost kod Ministarstva pravde KS,
- Usvojeni izvještaj o radu udruženja za prethodnu godinu,
- Usvojeni finansijski izvještaj o utrošku sredstava,
- Realizovani i započeti projekti iz prethodne godine,
- Program rada za narednu godinu,
- Osnovne aktivnosti udruženja,
- Da ni po kojem osnovu nemaju dugovanja prema općini.

#### **Posebni kriteriji:**

- Organizovanost i broj članova udruženja,
- Broj uposlenih u udruženju u odnosu na broj članova,
- Aktivnosti udruženja na očuvanju sjećanja na period 1992-95 i 1945-45.g.,

- Namjensko korištenje budžetskih sredstava,
- Saradnja i pomoć drugim udruženjima.

## V

Proceduru odobravanja sredstava boračkim udruženjima iz tačke I provodi Općinska Komisija za pitanja boraca i žrtava rata u skladu sa Odlukom i usvojenim kriterijima iz tačke IV Javnog poziva.

## VI

Sva udruženja zainteresovana za učešće na Javni poziv obavezna su dostaviti navedenu dokumentaciju iz tačke III – Prijava zajedno sa obrascem za aplikaciju.

Obrazac se može preuzeti u Službi za boračko-invalidsku zaštitu Općine Stari Grad Sarajevo.

Prijave se predaju na protokolu Općine Stari Grad Sarajevo lično ili putem pošte na adresu: Općina Stari Grad Sarajevo, Služba za boračko-invalidsku zaštitu, ul.Zelenih beretki br.4. sa naznakom **finansiranje iz Granta za redovnu djelatnost boračkih udruženja.**

## VII

Rok za podnošenje prijava po ovom Javnom pozivu je 15 dana od objavljivanja u sredstvima informisanja (dnevne novine i web stranica Općine Stari Grad Sarajevo). Nepotpune i neblagovremene prijave neće se uzimati u razmatranje.

### **Dodatne napomene:**

Sve informacije u vezi sa učešćem na Javni poziv mogu se dobiti putem kontakt telefona br: 033-282-368.